

14

DISSESSATIO ACADEMICA

DE
OPTIMIS EPISTOLIS
COMMENDATITIIS
MINISTRORUM
VERBI DIVINI,
II. CORINTH. III: 1, 2, 3.

Cujus
PARTEM PRIOREM,
Conf. Ampl. Facult. Philos. in Reg. Acad. Aboënsi,

PRÆSIDE

LAURENTIO O.
LEFREN,

L. L. O. O. & Grac. Profess. Reg. & Ord.

Publicæ Bonorum censuræ subjiciet

DANIEL GESTRIN,

V. D. M. Wiburgensis.

In AUDITORIO MAJORI Die XVI. Novembr.

Anni R. S. MDCCCLXXIV.

H. A. M. OG

A B O Æ

Impressit JOHANNES CHRISTOPHORUS FRENCKELL.

*VIRO Admodum Reverendo atque Praeclarissimo,
D:no ERICO SYLVIN,*

Ecclesiae, quæ DEO in Säckjärvi colligitur, Pastori ac Präposito vigi-
lantissimo, dignissimo,

*Evergetæ ut optimo, ita pio venerationis cultu etatem pro-
sequendo, devenerando.*

Qui vere bono gaudent animo, iis solenne est ad beneficia aliis con-
serenda tanto studio ferri, tanta cura incumbere, at diem periis-
se putent omnem, quo de bonis bene mereri non potuerint, ipsi-
que sibi in opulentia egeni & in abundantia indigi videri soleant, nisi
habeant, quos suo fotos amore, suo auctos favore hilariores reddant, fel-
licioresque. Horum ex numero Te, Evergeta Optime, semper fuisse,
ad unum fatentur omnes, qui Tui proprius nostendi occasionem habue-
runt. Hinc cum Viri Optimi imaginem describo, Tuam animi chara-
cterem, Tuam vitae consuetudinem exprimo. Me certe, ex quo Tibi
primum innotui, tanta semper benevolentia excipere, tanta benificentia
sovere voluisti, ut nunquam a Te aliter, quam filius a Patre discesserim.
Tua igitur beneficia quibus litteris exprimam? quibus tabulis inscri-
bam? saxeis & æneis insculperem, nisi is esses, qui gratianum animus
omnibus anteponeras monumentis, omnibus anteferres documentis, qui-
bus meam Tibi pietatem extrinsecus testari possem. Nihilo tanien mi-
nus, cum notam animi ingratia, quo nihil nulli unquam tetrus, nihil
turpius videri potest, enixe cupiam effugere, Tuam me modestiam mi-
nime laetorum putavi, si, in pignus perpetuae venerationis, dignissimo o-
mniumque charissimo Nomiini Tuo hanc qualeneunque operam inscribe-
rem, dedicaremque. Agit vero illa de Optimis Litteris Commendatiis
Ministrorum Verbi Divini non lapidi, sed menti inscribendis, non
stylis, aut typis, sed ipso Salvatoris dactro exarandis. Nec Tuo me
favori in posterum melius unquam commendare posse existimo, quam
si, Tuum ad exemplar, id die, id nocte, id omni tempore agam, ut
hoc Epistolarum genere ornatus non indignus deprehendar, qui Minis-
ter DEI viventis vocer. Interea de Tuo Tuorumque perpetuo felici-
tatis flore, dum Spiritus hos regit artus, non minus sincera, quam con-
stantia nuncupabo vota, ad extremum vitæ articulum permanfurus

*Admodum Reverendi atque Praeclarissimi
NOMINIS TUI*

*Cultor humillimus
DANIEL GESTRIN.*

VIRO Plurimum Reverendo atque Praeclarissimo,
D:no JOHANNI BÖKMAN,
Pastori Ecclesiæ Lumåkensis vigilantissimo, meritissimo,
Fautor i quovis observantiae cultu prosequendo.

Quemadmodum Ministerio Verbi Divini, nihil dignius, nihil honorificentius, ita nihil difficultius, quam personam veri DEI Ministeri digne generè. Non sufficit animum vera doctrina imbuisse, nisi eam pia vita ornet, commendetque perpetuo. Ipsa vero pietas non tam externa sanctitate morum, quam interno mentis ac cordis affectus estimanda. Ad doctrinam vero quod attinet, multum interest, utrum quis fulmine Sinaitico tantum conterere pectora auditorum, an vero simul animos eorum lumine Zionitico illustrare, illustratos vivificare, vivificatos sanctificare didicerit, atque ut multa paucis comprehendam, ita totum mentis fundum emendare, ut DEum in Christo vivide cognoscant, submisse colant, ex Ejusque obsequio eandem voluptatem, quam ex pane famelicus & ex latte infantulus, percipient. Hanc facultatem in Ministro verbi Divini requiri constat, sed non aliunde adquiri, quam ex gratia DEI in Christo data, certum est. Quicunque igitur se idoneum verbi Divini Ministruum citari volet, is illis ipsis Epistolis commendatius instrutus erit, que a Paulo II. Corinth. III: 1, 2, 3. laudantur, non lapideis sed carneis animi tabulis exaratae. De hoc generè Epistolarum non ut voluimus, sed ut potuimus hac egimus dissertatione, quam ut Tuo, Patrone Optime, honoratissimo Nominis patris inseribi, simulque vicem gerere publici testimonii de animo vere grato, quem plurima Tua beneficia non milii minus ipsi, quam universæ domui paternæ benigne collata, huic pectori ingenerarunt, qua pars est animi observantia rogo atque obtestor, quoad vixero constanter permanens

Plurimum Reverendi atque Praeclarissimi
NOMINIS TUI

Cultor humillimus
DANIEL GESTRIN.

VIRO Plurimum Reverendo atque Praeclarissimo,
Dno DAVIDI GESTRIN,
Pastori Ecclesiae Wederlaxensis vigilantissimo,
PARENTI OPTIMO.

S' veram & vivam animi paterni imaginem mihi exprimendam fusciperem, nullum unquam neque optius, neque justius, quod imitarer, invicare possem exemplar, quam quod in Te, Parentis Optime, a teneris inde ungniculis mihi quotidie intueri licuit. Quenadmodum enim aetatem teneriorum non minori prudentia, quam diligentia moderatus es, ita ex quo robustior factus litteris operam dare coepi, nihil desideravi unquam, quod a Parente Indulgentissimo, non dicam sperari, sed optari possit. Pro tanto beneficiorum cumulo, quid Tibi, Pater Optime, nunc rependam? Quod in mea positum est potestate, id ultra pia vota non progreditur. Iis igitur tanto invigilabo diligentius, quod haec unicum pietatis officium, quod facere possum, contineant. Interea hanc Tibi Opellam, qua decet animi veneracione do, dico, dedico. Det DEUS O. M. ut quam diutissime superstes & sospes ea fruaris commendatione, de qua haec agit commentatio. Det Tibi per spiritum suum quam plurimas vivas Epistolas, que de Tua diligentia, constantia & sapientia, qua ad Ecclesiam Suam augendam incumbis, quam amplissimum exhibeant testimonium, ut cum supremo animarum Pastori penam aliquando redditurus sis, latius dicere possis: En me & liberos, quos mihi dedisti, ab eoque hoc feras dulcissimum responsum: Intrare, fidelis serve, in gaudium Domini Tui. Sic ex animo vovet

OPTIMI PARENTIS

Obedientissimus Filius
DANIEL GESTRIN.

אֶת־בְּנֵי־יִשְׂרָאֵל

§. I.

*Quid Epistola in genere & Commendatitia in specie sit,
breviter exponit.*

Quoniam hæc omnis Disputatio futura est de optimo genere Epistolarum, quibus Verbi Divini praecones commendari possint, idque ad mentem verborum PAULI, quæ sic habent; Λέχόμενοι πάλιν ἔαυτοὺς συνιστάνειν; εἰ μὴ χρήσουεν, ὡς πνευ, συστηκῶν ἐπισολῶν περὶ ὑμᾶς οὐδὲ ὑμῶν συστηκῶν; Ή ἐπισολὴ ὑμῶν υμεῖς ἐστε, ἐγγεγραμμένη ἐν ταῖς καρδίαις ὑμῶν, γνωσκομένη καὶ διαγνωσκομένη ὑπὸ πάντων αὐθεωπων. Φανερούμενοι δέποτε εἰπεῖσον χειροῦ διακονοῦσιν ὁ φ' ἄνθρωπος, ἐγγεγραμμένη δὲ μέλαν, αἷλλα πτερύματα θεοῦ λαντάρια, οὐκ ἐν πλαξὶ λιθίναις, αἷλλ' ἐν πλαξὶ καρδίαις σπερκυταῖς II. Cor. III : 1, 2, 3. optime nos facturos existimamus, si ordinem naturalem sequamur, & tum demum, quodnam sit optimum genus Epistolarum Commendatitiarum, determinemus, cum notionem Epistolæ Commendatitiæ latiorem evolverimus, notione Epistolæ in genere præmissa. Quid sibi velit vox Epistolæ in genere, optime docuit LIBANIUS Sophista.

pellari. Utrum eadem sit differentia *Epistolarum & Litterarum* in Lingua quoque Latina, id nondum adserere audemus, idoneis documentis destituti. Quod vero de Græcis vocibus monuimus, id ex LIBANIO didicimus, cujus in Epistola ad PALLADIUM inter alia hæc verba occurrunt: καὶ μὴ τὸν ὄλυμπον ὄλαις ἐπιστολαῖς τίμα, καὶ μὴ χράμψαν, οὐ νῦ ποιεῖς. Ή. δὸ μὲν γὰρ ἀντῷ καὶ τὸ μητέρ, ἐπιθυμεῖ δὲ τὰ πλεῖστα, OLYMPIUM quoque nostrum justis EPISTOLIS, non vero, quod nunc facis, litteris honora. Quamvis enim ipsi pauca etiam grata sint, plura tamen desiderat. Vid. Epist. MCLXX editionis JOH. CHRIST. WOLFII Amstelod. MDCCXXXVIII.

§. III.

De Origine Epistolarum Commendatitarum pannis disputat.

Prius vero quam ad reliqua pergamus, quæ de *Litteris Commendatitiis* exponere constituimus, verbo tangenda est quæstio de *Origine* earundem. Nisi igitur valde fallimur, hæc quærenda est in antiquissimis *tesseris hospitalitiis*, quippe quibus, scripturæ artificio vel primitus invento, vel plenius excuto, successisse videntur. Prima certe officia, quæ ignotis ab ignotis, tertio aliquo commendante, præstari cœpta sunt, vix alia fuerunt, quam quæ ad *jura hospitiij* referri ante solita fuerant. Nostro quidem iudicio extiguum admodum discrimin inter *tesseram hospitalitatem* & *epistolam commendatitiam* indefinite conceptam inter-

interest. Quemadmodum vero successu temporis luxuria & indigentia hominum iisdem passibus creverunt, ita factum inde videtur esse, ut hospites paupero tenaciores fierent, nec cuilibet ignoto, qui nudam tessera hospitalem adferret, omnia promiscue officia, quæ hospiti ab hospite olim præstari solita fuerant, exhibere vellent. Quoties igitur ignotus ignoto commendandus erat, toties disertum requirebatur testimonium hospitis ad hospitem, ut clarius constaret, cum quibus moribus esset, cum quibus potissimum rebus indigeret, qui commendaretur. Quamvis igitur usus mittendi Litteras Commendatias, se diu intra hospites non continuerit, sed mature latius manaverit, ad amicos omnis generis extensus, nihil tamen obstare videtur, quominus laudatae tesserae Litteris commendatitiis originem dederint. Atque hoc modo in concordiam reduci posse videntur Viri Celeberrimi HAMMUNDUS atque CLERICUS, qui de hac quæstione in diversas abierunt sententias. Interea neque hoc prætereundum, tessera hospitalitiis quandoque conjunctas fuisse litteras commendatitias, adeo ut idem utrasque hospiti adferret. Hoc didicimus ex monumentis Septentrionalibus, in quibus inter alia hæc legimus: han er han kom a Nordmæri voro allt kommen fyrir honom bref och Jartegner. i. e. *Quum pervenisset in Mauriam septentrionalem obviam ei erant Litteræ & tesserae.* Heims Kr. Tom. II. p. 315. cfr. Nobiliss. JOH. IHRE Glossarium Svio-Gothicum in voce *Jarteku.*

De aliis atque aliis Epistolarum Commendatitarum generibus, quæ in Ecclesia quidem Christiana usu olim recepta fuerunt, pauca interponit.

Hic, quamvis a re proposita alienum videri possit, nonnulla tamen interponere placet de *potioribus Epistolarum Commendatitarum generibus*, quæ olim in Ecclesia Christiana invaluerunt. Hoc in negotio reftissime versabimur, si eam sequamur facem, quam varia nomina, quibus hæ Epistolæ insignitæ fuerunt, investigantibus præferunt. Ex iis, quæ supra docuimus, haud obscure constat, non aliis dari siveisse Litteras commendatitias, quam qui *ignoti* essent iis, ad quos mitterentur. Hoc perinde est, ac si diceres, iis potissimum datas fuisse, qui, suis relictis, ad *alia proficisciabantur loca*. Hujusmodi perfectionum ut variæ erant cauſſæ, ita a variis quoque personis suscipiebantur. De singulis agere non vacat. De multis igitur pauca delibasse sufficiat. Primum quidem apud Scriptores monumentorum Ecclesiasticorum occurrit nomenclatura ἐπιστολῶν ονοματῶν. Hæ illis dabantur, qui ad Concilia obeunda ablegabantur, idque eum in finem, ut iis, quorum intererat, de sinceritate doctrinæ & integritate vitæ horum legatorum constaret. Huic cognatum erat aliud genus Epistolarum, quod κερονικὰ dicebatur. Hoc idem erat, quod Latini litteras formatas vocabant. Qui hoc genere Epistolarum augebantur, ii eo ipso declarabantur digni, quibus *cum commercium Epistolicum publico*

publice coleretur. Nihil igitur aliud hoc erat, quam publicum quoddam testimonium orthodoxiae. Cum hæreticis enim nullum publice exercebatur commercium Litterarium. Huic generi subjungendæ sunt *im̄solai signis*, litteræ pacifice, quæ liberum transitum præstabant accipientibus. Hæ pro diversitate proficiscentium a diversis dabantur commendantibus. Quum Episcopus ad Imperatorem negotii alicujus obeundi caussa alegaretur, ab ArchiEpiscopo dabantur, cum vero clericus alia ad loca, aut inopie levandæ, aut officii obtinendi caussa proficeretur, ab Episcopo obtinebantur. Unum adhuc addemus genus, quod καθηλιον vocari solebat. Hoc nomine veniebant litteræ, quæ peregrinantem neque certæ personæ, neque certæ Ecclesiæ, sed *in universum omnibus*, quos invisere continget, commendabant. Sed satis de his. Ad ea jam redimus, quæ proprius ad institutum spectant.

§. V.

De variis materiis, in quibus Litteræ Commendatiæ scribi olim solitæ sunt, agere incipit.

Quoniam igitur sequi volumus ductum PAULI, cujus verba statim initio fundamenti loco posuimus, proximum nunc est, ut oculos paulisper figamus in materia, in qua Litterarum genus, de quo agimus, inscribi olim solitum fuit. Hoc varium fuisse, tum a iudee constat, tum exinde, quod idem adgnoscit ipse APOSTOLUS, qui hic duplicitis gene-

generis tabularum, nimirum *saxearum & carnearum*, mentionem facit. Propositum VIRO DIVINO erat adcurate exponere, quænam *optime* sint Litteræ Commendatitiæ. Hinc easdem non tantum *positive*, sed etiam *remotive* describit. *Carneas* enim tabulas diserte adprobat, *lapideas* vero diserte improbat. Res ipsi erat cum Doctoribus, qui, inveteratis occæcati præjudiciis, rigida *statuta* MOSIS lenissimo CHRISTI *Evangelio* vel anteponere, vel æquiparare sustinebant. His se masculine opponit, male cum fide doctorum Ecclesiæ nunc agi contendens, nisi *melius & firmius* orthodoxiæ *testimonium* proferre possint, quam quod MOSES duris *incisum saxis* exhibeat. Quando igitur illas ipsas rejicit tabulas, quas illi optimas putabat, cetera quoque omnia commendationum genera, quæ his deteriora sunt, simul rejiciat, necesse est. Quo autem sensu hæc disputet APOSTOLUS, deinceps plenius docebimus. Hic, bona Lectorum venia, paucis exponere liceat de *variis materiis*, quibus, præter *saxeam*, olim incisa fuerunt Litterarum monumenta. Vox *tabulae*, quando de negotiis Litterariis quæstio est, nunc solam dicit *materiam*, in qua exarari solet Scriptura, nunc ipsam simul *Scripturam* complectitur. Illud nemo ignorat, hoc passim docent Latini Auctores Classici. Ne extra oleas longius evagari videamus, hoc unum observasse juabit, *Tabulam & Epistolam* his non uno in loco pari passu ambulare. Si quis dubitat, eum certiorem facere poterunt PLAUTUS atque OVIDIUS, modo hujus *Am. L. 2: 15, 15.* & *Art. Am. P. 2. 395.* illius vero *Pseud. I: 1, 5.* & *Circ. 2: 3, 86.* evolvere

vere velit. Quid, quod ipse PARENTS Romanæ Eloquentiæ adhuc proprius accedat & Tabularum quoque Commendatitarum mentionem diserte faciat, Epistol. Fam. 5: 5. His præmissis, jam præcipua sequentur genera materiarum, ex quibus antiqui suas conferunt tabulas, quarum beneficio tum alia litterarum monumenta, tum sua ipsorum merita posteris commendanda curarunt. Tabulas igitur lapideas, lateritias, plumbeas, æneas, argenteas, &c, quæ primo forte loco nominari debuissent, ligneas passim celebrari, observamus. Quod ne gratis dixisse videamur, idonea Auctorum testimonia adducere, non pigebit.

§. VI.

Idem argumentum persequitur, adductis variis testimoniis Auctorum, qui fidem dicto facient.

Atque ut a materia maxime parabili ac communii initium faciamus, agmen ducere jubeimus tabulas ligneas. His anticos tum GOTHOS, tum DANOS in Legibus describendis usos fuisse, arguunt & diserta Scriptorum testimonia & antiqua nomina titulorum legis, quæ in Codice hodierno adhuc visuntur & leguntur. Nomen enim *Balz*, *trabs*, apud nos ideo certum *librum* Codicis legum denotat, quod certus quidam numerus tabularum, quarum aliæ aliis impositæ sunt, figuram trabis haud obscure refert. Idem institutum secutos fuisse DANOS, auctor est SAXO Grammaticus in præfatione Historiæ Danicæ. Eundem morem antiquis etiam ROMANIS familia-

rem fuisse, ex nomine *Codicis* exculpri potest. Hoc
 fecit Nobiliss. D:rus J. IHRE in Glossario Sviogothi-
 co ad vocem *Vall*, ubi in hunc finem producit
 locum SENECAE de *Brevitate Vitæ*, cap. XIII. qui
 sic habet: *Quis ROMANIS primus persvasit naves
 condescendere? CLAUDIUS is fuit, CAUDEX ob hoc i-
 psum appellatus, quia plurium tabellarum contextus
 CAUDEX apud antiquos vocabatur: unde publicæ ta-
 bulæ CODICES vocantur.* De tabulis lapideis his usi-
 bus applicatis non opus est, ut multa moneamus,
 cum rem extra controversiam ponant *Cippi Runici*,
 qui in patria nostra etjamnum passim visuntur.
 Harum tabularum antiquitatem satis demonstrant ta-
 bulæ *Legis Mosaicæ*, ut nihil dicam de cana traditi-
 one, quam JOSEPHUS de gemina *columna* SETHI
 litteris mandavit. Certiora sunt documenta, quæ
 in columnis, aliisque monumentis apud GRÆCOS,
 ÆGYPTIOS atque ROMANOS hodienum supersunt.
 Ad tabulas igitur *Lateritas* pergimus. His litteras
 inscribi solitas fuisse in PHOENICIA & BABYLO-
 NIA, auctor est PLINIUS Libr. VII. cap. LVI. ut
 alios brevitatis caussa prætereamus, ad tabulas plum-
 beas, quas his proximas posuimus, pedem illico
 promoturi. *Laminis plumbeis* quandoque exaratum
 extitisse integrum opus HESIODI ἔγων καὶ οὐσεῶν, te-
 stis est PAUSANIAS in *Bæoticis*, & monumenta et-
 jam publica in hoc metallo describi copta fuisse,
 docet PLINIUS Lib. XIII. Cap. XI coll. Lib. XXXIV.
 Cap. XVIII. cui adjungi potest FRONTINUS Lib.
 III. Cap. XIII. Hinc nomenclatura: *volumina plum-
 bea* apud PLINIUM l. c. *charta plumbea* apud SVE-
 TONI-

TONIUM in Nerone Cap. XX. χάρτας μολύβδινος apud JOSEPHUM Lib. I. adv. *Appionem*, quem locum de Arte Grammatica Lib. I. Cap. XXXV. adducit G. J. WOSSIUS, qui tamen cum aliis huc minus recte trahit locum JOBI cap. XIX: 24 cum plum-
bum, cuius ibi fit mentio, non tam constituerit ipsam tabulam, quam illam materiam, qua incisuræ in rupe vel lapide factæ deinceps oppleri deberent, ut eo diutius clara & certa maneret Scriptura. Vide Nobiliss. J. D. MICHAELIS *Deutsche Übersetzung & Anmerkungen ad h. l.* Supersunt adhuc æneæ & argenteæ tabellæ. De illis testantur DIONYSIUS *Antiq. Rom.* Lib. X. SVETONIUS in *Julio* & OVIDIUS *Metam.* I. apud VOSSIUM l. c. quibus adjungi adhuc debet Auctor Historiæ ASMONÆORUM I. MACCH. VIII. de his vero TRITHEMIUS Lib. I. *Brev. Annal. Franc.* ubi GALLOS argentea monumenta publica habuisse, docet.

§. VII.

De aliis materiis, in quibus præter tabulas exarari solitæ sint Litteræ, pauca addit.

Neque tamen temere credendum, nullas alias materias, quam ex quibus tabulae confici possint, usui scribendi adhibitas fuisse. Restat igitur, ut de ceteris, iisque & mollioribus & recentioribus quoque materiis pauca addamus. Prius igitur, quam ad tabulas dolandas litterisque aptandas accederent Scriptores, materiam scriptionis simpliciorem & parabilem adhibuisse videntur. Hanc etiam suppeditabant arbores, sed foliis & librīs. Horum usum con-

firmant hodienum nomenclaturæ foliorum & librorum. In Lingua vero Græcanica, ut alia taceam, eandem demonstrant nomina πταλισμός & ἐκφύλος Φόρησις. Quod LATINI folium, id GRÆCI nunc πταλόν, nunc φύλον vocant. Est vero πταλισμός modus exilio multandi civem, qui ob potentiam haberetur novarum rerum suspectus. Ratio denominationis est, quod hujus nomen inscribi solebat folio oleæ, πταλῷ ἔλαιος. Hinc πταλισμός HESYCHIO exponitur ὁ διὰ Φύλων αἰρεπιστούς Εκφύλοφόρησις contra est modus senatu expellendi senatorem, cuius mores non placerent. Folia Scripturæ idonea ex arboribus præbebant Olea & Palma, ex herbis vero Malva. Librum vero exhibebant potissimum Tilia & Papyrus. Tilia Græcis φιλέει dicitur. Hoc nomine adhuc venit folium papyri, et arte papper. Papyrus etiam Βιβλός & Βύβλός vocatur, quod etiamnum librum valet. De usu Tilia in re libraria memorabilis est locus HERODIANI Lib. Hist. I. c. 7. p. m. 55 ubi de COMMODO scribit: παθὼν γέμα-
 ματεῖον τύτων δῆ τῶν ἐκ Φιλόνας εἰς λεπτοτάτην ἡσκεψένων ἐπ-
 αλλήλῳ τὸ ἀνακρίσει αὐφορεωθεν ἐπτυγμένων, γέφει ὅσχε
 κεὶ τὸ συκτός Φονευθνατος; sumto in manus libello, quales
 ēt tilia tenuissimi atque in utramque partem explicabiles
 sunt, conscribit in eo quoscumque ea nocte interficere destinaverat. De papiro arbore, vel frutice, &
 de arte, qua libri ejus separantur ac præparantur,
 antequam scripturæ recipiendæ idonei fiant, multa
 moneri possent, nisi loci angustia prohiberet & otium
 nobis fecisset celeberr. C. J. WOSSUS Lib. cit.
 Cap. XXXV. pag. 135. sqq. *Charia* nomen est ge-
 nerale

nerale ductum a prima voce *χαιρε*, ex qua epistole incipiebant: Nihil igitur de ea seorsim monere habemus. Succedant igitur Libri *lintei & serici*. His PERSAS usos fuisse, constat ex SYMMACHI Lib. IV. Epist. XXXIV. Illis apud ROMANOS cum alia statuta, tum foedera publica inscribi solita fuisse, ex aliis patet testimonis, quæ laudatus modo WOSSIUS l. c. p. 140. adduxit. Unde hoc quoque observandum, per *libros linteos* intelligi debere *textilia lintera*, non eos libros, qui ex *linteis concerptis, contusis & mace-ratis* alia arte parantur, hodieque maxime frequen-tantur. Adhuc supereft genus chartæ, quod ex *pellibus minorum animalium confici* solet. *Membranas & pergamenas* adpellant. De his, ut notissimis, nihil dicere adtinet. Hoc tantum monemus, non modo ex *tergoribus*, sed etiam ex *intestinis animalium* parari olim solitas fuisse Membranas. In pri-mis ex *omentis elephantinis & intestinis draconis*, si verum est, quod ZONARAS Libr. II. Annalium refert. Cum *omentis* vero *elephantinis* non confundendi sunt libri *eburni*, seu *charta eburna*, ex denti-bus *elephantinis* parari olim solita, quæ ob nimium pretium rarior esse debuit. Nulla harum omnium materiarum apta est, cui inscribantur *Optimæ Litteræ Commendatitiae Præconum Verbi Divini*, quip-pe quæ *carneas* postulant tabulas, seu ipsa hominum *corda*, ut diserte docet APOS TOLUS. Quomodo vero his inscribantur, tum dicere volumus, cum de modo, quo ceteris materiis, quarum nunc in-jecta est mentio, inscribantur litteræ, quantum satis videatur, dixerimus.

